

**PEMBERITAHUAN PERTANYAAN BUKAN LISAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : BUKAN LISAN
**DARIPADA : DATUK SERI PANGLIMA MADIUS
TANGAU [TUARAN]**

SOALAN NO. 255

Datuk Seri Panglima Madius Tangau [Tuaran] minta **MENTERI PENDIDIKAN** menyatakan :-

- a) bilangan bangunan dan anggaran kos untuk membina dan/atau memperbaiki sekolah-sekolah rendah dan menengah yang daif di Sabah; dan
- b) bilangan sekolah berasrama penuh di Sabah serta apakah ada perancangan untuk memperbanyakkan lagi SBP.

JAWAPAN

- a) Sehingga kini, pelaksanaan naik taraf dan pembangunan semula sekolah daif di negeri Sabah melibatkan 153 buah sekolah dengan peruntukan berjumlah RM398.98 juta melalui peruntukan pembangunan dan *Private Finance Initiative* (PFI).

Untuk tahun 2018 sahaja, sebanyak 120 buah sekolah daif telah diluluskan untuk dinaik taraf dengan peruntukan sebanyak RM142 juta. Sehingga 28 Februari 2019, sebanyak 73 buah sekolah telah siap dan telah digunakan manakala baki 47 sekolah lagi masih dalam peringkat pelaksanaan dan dijangka akan siap pada April 2019.

Bagi pelaksanaan tahun 2019, peruntukan sebanyak RM10 juta telah diluluskan melibatkan naik taraf dan pembangunan semula tiga (3) buah sekolah daif di Sabah iaitu Sekolah Kebangsaan Sungai-Sungai, Sekolah Kebangsaan Nibang dan Sekolah Kebangsaan Tiong Wido. Kesemua projek ini akan dilaksanakan oleh pihak JKR secara tender terbuka dan pelaksanaan dijangka bermula secara berperingkat pada Mei 2019.

- b) Pada masa kini, terdapat 69 Sekolah Berasrama Penuh (SBP) di seluruh negara. SBP sedia ada mampu menampung kemasukan murid yang memenuhi kriteria yang ditetapkan. Fokus utama Kementerian Pendidikan Malaysia pada masa kini adalah untuk menaik taraf SBP sedia ada agar dapat menyediakan kemudahan dan iklim pembelajaran yang lebih kondusif dan sempurna. Di Sabah, terdapat dua (2) SBP iaitu Sekolah Menengah Sains Sabah dan Sekolah Menengah Sains Lahad Datu.

RT35/253